


黃山志



紫石山土輯



甘泉山志

慈光寺藏板

叙



黃山震曰國中之第一奇山也  
山故名黟其更以黃自黃帝始  
蓋緣黃帝與容成諸人采藥此  
山遂成大道騎龍上昇亦不知

寶叙一

其事之果可信與不也第山自  
洪荒以來唯傳此黃帝一軼事  
黃帝而後湮沒茹塞數千百年  
卒未有能窺其奧府者自一帝  
三王歷漢唐宋元以逮明之隆

萬間始有一帝太后奉浮屠教甚謹廼範金爲四面佛遣中使扈從供養硃砂菴內而普門大師遂承中旨雉棘誅萊廓清梯棧不遺心力開一綫鳥道以達

寶叙二

于三十六峯之間而尋山之屐齒始絡繹不絕黃海之幽巖邃谷多有與測其涯涘者矣嗚呼山之幸與抑遊人之幸與余不敏少有康樂之癖卒不能爲龍

門壯遊亦一恨事偶自建泉新  
宛其去此山也計其程不過百  
里而遙若復趑趄不前豈不致  
山嘯笑人乎一日策筇問津到  
湯寺浴香泉繇桃源沂龍潭而

寶叙三

上以瞰硃砂峯輒喟然曰觀止  
矣志在三十六峯竟不能了此  
一大事因緣矣此時卓錫硃砂  
菴者爲八水禪師謂余曰不然  
此山舊有圖經漫漶久矣竊嘗

取而損益之幸殺青竟或寓目  
焉何如余携歸披讀再四見其  
所爲圖三十六峯如指諸掌可  
按而求也見其所爲誌三十六  
峯巔末具在可數而知也而且

竇叙四

志其時志其地志其沿革志其  
廢置志其所具之溪洞林壑志  
其所產之昆蟲草木以及貴客  
冠蓋遊人杖履緇衣名流黃冠  
道士凡蹤跡所及一至再至曾

浩歌流連於其間者靡不蒐其  
淪逸核其姓氏以詳著於楮墨  
嗚呼盛哉洵可以補蟲鳥金石  
之遺文稱日月名山大業哉  
雖然余嘗攷鏡今古邑有志郡

寶叙五

有志方國輿圖各有志惟山海  
一經兼志山水而水經與註又  
詳於言水而畧於言山從未有  
耑志山者耑而志山自慧遠和尚  
志廬山始而入水踵之以脩黃

山志黃山其得入水而益章矣  
顧其圖例大都倣龍門史記而  
於藝文獨詳蓋亦謂收羅不廣  
則耳目不悉刪詩取三百其胸  
中原自有成竹也入水婺源人

寶叙六

歷叅吳越諸叢席歸而繼其師  
斷山和尚住持於慈光山廣長  
舌爲大衆演說妙法普門開山  
後宗風藉以不墜者賴其父子  
良多焉其爲志則始於甲辰竣

於丙午三越歲乃成良工心苦  
不獨吾儒爲然而余獲讀而序  
之庶幾了此一大事因緣乎不  
然茫茫黃海漫無津涯二十六  
峯出沒隱現摑百結之茫屨挂

寶叙七

九節之仙藤藏霹靂於囊中負  
山嶽於背上於以超凌絕壑緣  
附惟石仰攀危巢俯闕幽宮恐  
亦非數日間事也而况一人之  
耳目亦或有及有不及耶此書

成後有志於三十六峯者策杖  
而往遊焉可矣卽不必策杖而  
往遊焉亦可矣羅之几席了諸  
心胸萬仞峯巒一幅圖書斯亦  
山靈之快事大雅君子探奇攬

竇叙八

秀者之一助也而揔之不可以  
忘入水之苦心

皆

康熙五年歲在柔兆敦牂則陽  
之月上浣之吉

賜進士第整飭徽寧廣德道江  
南提刑按察司僉事前奉

勅巡視漕運河道監察御史天

雄寶遴奇撰

寶叙九



黃山誌序

古今山川得壽其名於世未有  
不因人與文而傳者也然其人  
與文足以壽山川矣年遠代深  
不無往者將湮來者未備之感

陳序一

又必得繼起而修正者而後山  
川愈壽江以南山之佳者幾百  
數瀾泉而紅磨崖而碧為仙靈  
窟宅獨予治黃稱甲似不因人  
以名然是山也負竒於衆倚石

懸空爲梁作棧示人以難躋若  
潛隱幽光不屑屑以名壽於世  
者自軒轅肇迹遊屐趾鐸嗣後  
法音大震金身琅函賜自內藏  
一時冥搜瑰竒嘉遯緇羽之士

陳序二

雲繹海門其詩歌咏賦流裔刻  
徵于蒼翠者不可勝紀則是山  
縱欲潛隱幽光韜其名于世焉  
安可得也予素性雅慕康樂雖  
簿書鞅掌恒恐青山笑人時時

攀蘿石筍每登峯造頂于競秀  
爭流之際目不暇接輒撫石而  
歌因峯成詠恨不携謝朓之詩  
孫興公之賦柳子厚之記鄜道  
元之經注一搔首青天而吟眺

陳序三

餘閒隨欲蒐羅遺蹟圖經舊志  
皆漫滅難稽間從斷碣殘碑尋  
昔人留篆復徃徃斑剥于蔓草  
荒烟不可復識矣世徒知山之  
代有傳人人有傳書而不知年

遠代深已若明而若晦也可不  
惜哉今年春硃砂蘭若告成八  
水師以山志示予予惟山之有  
志也與史乘記注實相表裏繫  
時繫人史之年表世紀也其水

陳序四

其丘史之職方輿地考也物賦  
則食貨之志靈異則天官五行  
之書也文苑詠歌則儒林傳藝  
文志也廢興沿革則通考也史  
得其職則文獻足徵山得其書

庶芳徽不泯今八水以無盡辯  
才演揚正法不墜宗風使孤峯  
片地飛甍畫棟掩映煙雲乃以  
經禪餘力旁及文字于此志也  
可謂晉公能臣斷公令緒矣喜

陳序五

而讀之凡峰巒洞壑人物文章  
以及竒松恠石珍禽異艸靡不  
按圖指掌爲三十六峰重開生  
面俾一山人文徃者不與年俱  
遠有將湮之感來者不與代俱

深有未備之思繼起而修正之  
功八水亦曷可少也若夫子之  
遊遊而詠豈敢謂足以壽山而  
實附山以壽矣

晉

陳序六

康熙歲在丁未蒲月之吉寧國  
府太平縣知縣閩中陳恭聖  
璽父題

